

Lubecensi anno 1188. dato, eius ciuibus confirmatum est, & iura Susatiæ appellauit ARNOLDVS LVBECENSIS *chron. Stan. lib. 2. c. 40.* Exstat etiam diploma Adolphi IV. quo, a patre Adolpho III. concessam Hamburgensibus immunitatem, confirmat his verbis: *Et in reliquis iure fruantur Susatensium & Lubecensium.* Addantur GRYPHIANDER *de Weichbild. Saxon. c. 80. n. 16.* nec non auctor, quisquis sit, des Braunschweig. und Lüneb. Stamm- und Regentenbaums *p. 65.* Nec est, quod hoc mireris. Siquidem testibus annalibus Lubecensibus, in primis vrbis senatoribus occurrunt, Dietericus de Harlau ex Westfalia, Ioannes de Kamen Vnnensis, Giesebertus ex Warendorff, Volckvvin & Hermannus de Susato, qui facile, ceteris ciuibus, Susatensium ius vsque eo commendare potuerunt, vti hoc ab Henrico Leone sibi concedi peterent. Placuit adeo mirifice hoc ius Lubecensibus, vt, exauctorato Henrico Leone, & Lubeca ad deditionem coacta, ab imperatore Friderico Barbarossa, iura Susatiæ sibi relinquere, supplicibus contenderent impetrarentque verbis. MEIBOMIVS *ad annal. Wittichindi fol. 43. item tom. I. script. rer. Germ. p. 670.* WINCKELMANNVS *notit. historico-polit. Vet. Saxo-Westphal. lib. 4. c. 2. p. 541. n. 13. & 14.* Recte se habent, si ita accipias DAV. MEVII verba, cum in *comment. in ius Lubec. qu. 1. n. 55.* affirmat, quædam iuris Lubecensis capita ex iure Saxonico hausta esse, cui in multis ius Lubecense adeo respondeat, vt secundum eius ordinem compositum, lucem & interpretationis præsidium inde capiat. Deleget huius rei studiosos MEVIVS, ad popularis mei,

B 3 con-